

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Gudarien etorbidea, z/g 20140 Andoain

Ardurak eta bozak

Xabier Fernandez • BILBO

Hilaren 5ari dagokion alean Lopez Adan zein Alberroren iritziak topatu nituen, biak bestelako abiapuntutik ondorio berbera ateratzeko: ezker abertzalea —hau da, EH— erruduna izango da PP edota PSOE Gasteizko Ajuria Enean jesartzen badira M-13ren ostean. Bien iritziz eta oker ez banago, barka nazatela bestela, eraso espainolista puri-purian dago eta aberria mehatxupean. Bai, eta? Ardura EHrena al da soilik? Ibarretxeren mutilek ez al dute autokritikarako betarik? Orain artean ez al da eraso espainolistarik egon? Orain artean aberria ez al zegoen mehatxupean? Nola erantzun du EAJk?

Hiruzpalau adibide: Udalbitza indargabetuz; Euskal Nortasun Agiriaren inguruko ika-mikan, Legebiltzarrean harro erakutsi ostean, hauteskundeetarako isunaren mehatxua bananduz Barne Sailaren bitartez, espainolen aurrean lan fina egiten dutela erakusteko asmoz edo; tortura salaketen aurrean isiltasunaz; Zabaltzen eta AEKri, besteak beste, eraso izan dietenean prentsa ohar epel bat kaleratu dute edo, hizlariaren arabera, operazioak zuritu. Ez al zegoen aberria mehatxupean HBko Mahai Nazionala kartzelatu zutenean, AEK eta hainbat elkarte kriminalizatu zutenean 98an *Egin* itxi aurretik? Zer proposatzen digute batzuek, esaterako niri dagokidan kasuari begira, gura al du Alberro jaunak Bizkaian Atutxa jaunari boza ematea? Edo gurago du Atutxari boza eman eta gero, lasai asko, Atutxari berari *Egin* itxi zutenean Garzoni adierazi zizkion zorianak eskertzea? Aberria mehatxupean?

Bai, hamabi urtez Rosa Diez eta enparauekin Gasteizen Gobernuan konpartitu ostean Hezkuntza bezalako ardurak euren eskutan utziz. Espainiar bandera ipiniko dutela, ipintzekotan ikusteke dago eta, Ajuria Enean? Bai, Ardanzak ipintzen zuen legez... baina orain, hala dirudi, ezker abertzalearen erruagatik. Aberria mehatxupean, bai, eta euskaraz bizitzea



galdeiozu...

Duela urtebetetik hona hortzak estututa nabil egunero. Estresak eragiten ote dit hori? Txus Martinez (Getxo)

Estresaren edo tentsioaren eraginez hortzak estutzearen keinua behin eta berriz errepika dezakegu. Eta honek arazoak ekar ditzake, batez ere matrailezurrean: soinuak, oklusioak, oinazeak... Kasu horietan ahoa posizio egokian paratzen ikasi behar da, ahalik eta erlaxatuen; eta lotan gaudenean hortzak konturatu gabe estutzen ditugunez, zelula edo aparatuen bitartez kontrolatzen da hori.



ESTITXU FERNANDEZ

Psikologoa

Maiatzaren 15etik aurrera **Julian Gorospe • Euskaltel-Euskadiko kirol zuzendaria** izango da Galdeiozu ataleko gonbidatua. Bidali zure galderak ordurako.

erabaki duten edo euren burua intsumisotzat hartu duten udalek ez al dute orain artean kontrako helegiterik jaso? Eta zein izan da Gasteizko instituzioen erantzuna? Egon al da? Eta nola liteke traizioaz hitz egitea PNV tartearen izanda? Egun osoa kikilduta erasoaren aurrean, barkamen eske etengabea, Murtziako Parlamentuarekin harremanetan ez dakit zer nolako babesa jasotzeko... Aberria mehatxupean bai, eta Ekin, Haika, gero EH, eta gero, auskalo, ilegalizazioaren bidean, eta PNV isilik... edo atzerapena gomendatuz, batez ere hauteskunde «jaia» ez izorratzearen. Horiek ez al dira erantzunik gabeko erasoak?

Ezker abertzaleak gauza txarrik egin ez duenik ez dut nik esango, ezta pentsatu ere. Nire uste apalean, oro har, zuhurragoak izatea falta zaigu, su-eten garaian kermen gehiago jartzea; egiturak gehiago sendotzea; instituzioak, ahal den neurrian eta Gasteizko Parlamentutik hasita, askozaz gehiago erabiltzea autonomismoaren kontraesanak oraindino ageriago utziz (Gizarte Agiria, euskal selekzioak etab...), Nafarroan erabiltzen den joka-

molde berbera erabiliz baina inolako txetxe zuririk eman gabe; Batasuna prozesua lehenago hastea; hainbatetan mobilizazio samurragoak antolatzea sektore ezberdinak erakartzeko tamainako erasoari erantzun handiagoa eta zabalagoa emateko eta, zailena zalantza barik, denboraren poderioz, borroka armatuaren eraginez edota, besteak beste, desilusio eta etsipenaren eraginez inguruan dagoen eta eztabaidetan parte hartzen ez duen masa kritikoaren iritziak, ekarpenak eta, zergatik ez, baita protestak ere jasotzea.

Nik ere, hogeita gehiago urtez ezker abertzaleari eman diot botoa, eta ondo hausnartutako botoaren bitartez ezker abertzaleari indarra emanen diot berriro be. Gasteizko Legebiltzarrean eta nazio zein giza eraikuntza bultzatzeko parte hartu behar dela han eta hemen aldarrikatu, eskatu eta bozkatu dudaren arren, edo beharbada horregatik. Aberria mehatxupean? Bai. Eraso izugarria? Bai. Ekin diezaiozun aspaldian indarrean dagoen erantzuna emateari, baina guztion artean eta arras ongi, ez orain arte legez.

«Ertzaintzak ez du inor torturatu...»

Jose Ramon Etxebarria • SANTUTXU-BILBO

«Ertzaintzak ez du inor torturatu. Ez du egin eta ez du egingo, Polizia demokratikoa delako». Juan Jose Ibarretxeren hitzak dira, ez bat-batean esanak, testu idatzi modura prestatuak baizik. GALen hilketak zirela-eta Espainiako Gobernuaren inplikazioa ukatzeko Felipe Gonzalezek esandako hitzak gogorarazi dizkit lehendakari gaiak: «*No hay pruebas, ni las habrá*». Zinez, hipokrisia da agintarien eta boteredunen jokamolde ustelik ustelena. Egiak bide bakarra du.

Irabazi Askatasuna

Martin Ugalde

Askatasuna, garesti irabazi behar izaten den salkin eskas horietako bat da. Hauteskundeetan, esate baterako.

Honetan gaude, merkatuan, gure herrian une honetan, salerosketa bizian, eta neuk jaso dudana esaldi hau telefono kabina bateko beirinan kolatuta dago. Entzungo dira hemen ere berritsuketa franko, eta egia gutxi. Eta ez dakit zer irabaziko duen irabazten duenak, baina nire esperientziak dituen laurogei urtean ez dut ikasi honelako kabina batean Askatasun usainik duen ezer! Ez didazu esango orain Askatasuna kartzelero batek ekarriko digunik!? Askatasunaren zain aspaldi daudenak, zain daude oraindik kondena bete eta gero ere, baina oraindik urrunago eraman dituzte! Eta bisitak gero eta urrunago!

Erruki handirik ez bada behar, ama bat sentitzeko gertu sentitzeko! Berea sentituko du, gutxienez; baina besterenik ez. Fragak ere maite omen du euskara. Zanpatu! Zeren, esaten badizute gezurra botoa eskatzerakoan, zer egingo dizute botoa eman eta gero? Ibilia da Fraga gezur handiagotetan, Mayor ibilia duzun bezala Askatasunetan, besteen askatasunetan. Izan ditu okasioak bere errukia eta justizia, biak, estreintzeko. Orain berandu da.

montxo

